

**Lescha per promover la tgira da personas malsaunas e l'assistenza da personas attempadas e da personas che basegnan tgira (Lescha per promover la tgira da personas malsaunas, LTM)**

Midada dals [Data]

---

Relaschs tangads da questa fatschenta (numers dal DG)

Nov:	–
Midà:	<b>506.000</b>
Aboli:	–

---

Il Cussegl grond dal chantun Grischun,

sa basond sin l'art. 31 al. 1 da la Constituziun chantunala, suenter avair gi' invista da la missiva da la Regenza dals ...

concluda:

**I.**

Il relasch "Lescha per promover la tgira da personas malsaunas e l'assistenza da personas attempadas e da personas che basegnan tgira (lescha per promover la tgira da personas malsaunas, LTM)" DG [506.000](#) (versiun dals 01-07-2024) vegn midà sco suonda:

**Titel suenter Art. 44 (nov)**

6a Contribuziuns a personas da referiment che porschan assistenza

**Art. 44a (nov)**

Cumpetenzza ed autezza da las contribuziuns

---

<sup>1</sup> Il chantun sustegna persunas da referiment maiorennas che porschan assistenza cun ina contribuziun mensila d'almain 300 e da maximalmain 600 francs.

<sup>2</sup> La Regenza fixescha l'atezza da las contribuziuns en l'ordinaziun.

#### **Art. 44b (nov)**

Premissas per survegnir contribuziuns

<sup>1</sup> Il dretg da survegnir contribuziuns d'assistenza exista, sche:

- a) la persuna che dovra assistenza ha ses domicil en il chantun Grischun e n'abita betg en ina chasa da tgira u en ina instituziun sumeglianta;
- b) il temp per l'assistenza importa en media almain 8 uras per emna e l'assistenza ha lieu gratuitamain durant ina perioda da pli che 2 mais; e
- c) il basegn per la prestaziun d'assistenza pervia da malsogna, pervia d'in impediment u pervia da fitg auta vegliadetgna vegn confermà d'in post ch'è renconuschì da l'uffizi.

<sup>2</sup> Il dretg survegnir contribuziuns d'assistenza sto vegnir motivà e sto cumpigliar almain duas da las suandantas activitads da la vita:

- a) lavurs quotidianas en il tegnairchasa;
- b) organisaziun da contacts socials e professionalis;
- c) lavurs administrativas;
- d) mobilitad;
- e) activitads per mantegnair la mobilitad;
- f) nutriment;
- g) igiena e tgira dal corp;
- h) sa vestgir e sa trair ora;
- i) seser si, star si, ir a letg.

#### **Art. 44c (nov)**

Dumonda e decisiun

<sup>1</sup> La dumonda sto vegnir inoltrada da la persuna che porscha assistenza al post designà da la Regenza.

<sup>2</sup> La Regenza po incumbensar terzas persunas cun l'execuziun da la procedura per il pajament da las contribuziuns d'assistenza.

<sup>3</sup> La decisiun vegn communitgada en scrit en ina disposiziun.

#### **Art. 44d (nov)**

Cumenzament e durada dal dretg da contribuziuns

<sup>1</sup> Il dretg da survegnir contribuziuns d'assistenza cumenza, en cas da l'approvaziun, retroactivamain per la data da l'entrada da la dumonda.

<sup>2</sup> Las contribuziuns d'assistenza vegnan concedidas per maximalmain 12 mais. Per la cuntinuaziun da la concessiun da contribuziuns sto vegnir fatga ina nova dumonda.

---

**Art. 44e (nov)**

Obligaziun da cooperaziun, obligaziun d'annunzia, restituziun

<sup>1</sup> La persuna da referiment che porscha assistenza sto pudair cumprovar sin dumonda da tut temp las premissas per survegnir contribuziuns e star a disposiziun per sclerir las relaziuns, en spezial per visitas a chasa.

<sup>2</sup> Al post ch'emetta la disposiziun ston vegnir annunziadas immediatamain midadas essenzialas da la persuna che basegna assistenza, en spezial areguard il meglierament dal stadi da sanadad, il pajament da prestaziuns d'assicuranza u l'entrada en ina instituziun.

<sup>3</sup> Sche las premissas per survegnir contribuziuns d'assistenza n'èn betg pli ademplidas, scada il dretg da survegnir las contribuziuns.

<sup>4</sup> Prestaziuns ch'èn vegnidas retratgas illegalmain ston vegnir restituidas al chantun.

**II.**

Naginas midadas en auters relaschs.

**III.**

Naginas aboliziuns d'auters relaschs.

**IV.**

Questa revisiun parziala è suttamessa al referendum facultativ.

La Regenza fixescha il termin da l'entrada en vigur.